

Кітапханадағы рухани шара

Аудандық орталық кітапханада үлттық домбыра күніне арналған мәдени шара өтті. Кеш Қазақстан Республикасы Президентінің Жарлығымен шілденің бірінші жексенбісіне сәйкес Қазақстан халқы алғаш рет атап өтетін үлттық домбыра күніне арналған презентацияны қараудан басталды.



Дина Нұрпейісованың қызын тағдыры туралы «Ұлт мақтанышы» фильмін тамашалады. Жас Дина қызы сүйікті үстаздары мен тәлімгерлерінің ортасында өз шығармашылығын бастады. Алғашқы үстазы әкесі, кейінрек Құрманғазының өзі тәлімгер болған. Барлық сынақтардан өтіп, соғыстан кейінгі тыныштықта, үрпақтан үрпаққа жастарға домбыра өнерінің классиктерінің үлкен жетістіктерін мұра етіп қалдырды. Өмірінің барлық кезеңінде ол өзінің жоғары деңгейдегі шеберлігіне қол жеткізді.

Кеш барысында ҚР еңбек сінірген мәдениет қайраткері Б.Шайхина Алматы консерваториясындағы оқу жылдары туралы естеліктерімен белісті. Сол жылдары мұғалімі қазақ музыкасын зерттеуші

көрнекті ақын, композитор, профессор Ахмет Жұбанов болған екен. Ол студенттерге музыкалық әдебиет бойынша дәрістер оқып, Дина Нұрпейісованың өмірімен және шығармашылығымен таныстырып отырған.

Кеш Абай Құнанбаев атындағы ОЖББМ мұғалімдері Л.Байбулова мен А.Смайлова орындаудағы күйлермен жалғасты.

А.Смайлова өзінің анасына деген сағынышынан шыққан жан табірентерлік «Анама арнау» әнін домбырамен тарту етті.

Сондай-ак, іс-шараның барлық қонақтары кітап көрмесінде ұсынылған кітаптар арқылы музыкалық аспаптың ғасырлық тарихымен, белгілі күйшілермен танысты.

Аудандық орталық кітапхана.